



救壇儀

九時引經文

高功之任道德威儀檄召存思百靈咸聽各有儀法考諸前人集爲一篇以備講究故立

精思篇第八

發奏訣法

白事說

升壇闡奏說

朝夜出戶入戶說

禮師存念法

鳴法鼓說

步虛命魔存思法

誦經靜念法

開經蘊說

出官精思存神法

宣章讀太清術說

印章七元符說

通天門符聚散形說

伏章步斗圖說

右八篇皆從道教經科及歷代宗師近世知

名之士參詳考究集爲一編不敢少有臆說

以誤後賢秘爲一家之私則非通論矣錄諸

本與同學共有爲傳道度人指教之演吾儕

勿以輕授白衣之徒自取悔吝蓋此集稍似

詳備彼必棄業背本從事於斯他日敗亡不

無謗怨其如老莊玄虛之學金丹養鍊之方

奉道之家人人有分非此道之在世係乎

朝廷科制也通識之士必以斯言爲然嘉泰

辛酉季夏中澣江原鶴林道士呂太古書

道門通教必用集卷之一

鶴林道士呂太古集

矜式篇

太上出家經訓

出家因緣經云道士凡有七階天尊言一者

天真謂體合自然內外純靜二者神仙謂變

化不測超離凡界三者幽逸謂含光藏輝不

拘世累四者山居謂幽潛學道仁智自安五

者出家謂捨諸有愛脫落置塵六者在家謂

和光同塵抱道懷德七者祭酒謂屈已塵凡

○ 救度危苦所以名道士者謂行住坐卧舉念

運心惟道是修惟德是務持齋禮拜誦經燒

香奉戒修身然燈懺悔布施願念講說大乘

教導衆生發大道心造諸功德普爲一切後

已先人不雜塵勞惟行道業故得天上地下

六道四生禮拜皈敬最爲尊勝不朝天子不

揖諸侯作人天福田爲三界依怙

玄門入道求出家法身十七願念

一願不殺生命斷聖種故二願永不飲酒敗

習性故三願永不血味與體同故四願不食